




Ministry of Civil Affairs

Ministarstvo civilnih poslova
Bosne i Hercegovine
preporučuje da svi kojima
se ponudi vakcina prihvate i
prime vakcinu!

No, ne zaboravimo svi imamo
pravo na izbor! Izbor je naš!



Šta su vakcine protiv COVID – 19?

Vakcine pomažu organizmu da spriječi težu infekciju virusom, ali vakcine **ne liječe** od Covid – 19.



Šta je PFIZER-BIONTECH-19 vakcina?

PFIZER-Biontech vakcina stimulira stvaranje antitijela, koja će se vezati za virus i blokirati mu ulaz u stanice. Ova vakcina **ne pomaže u liječenju** već oboljelog pacijenta.



Zašto se PFIZER vakcine daju u dvije doze?

PFIZER vakcine se daju u dvije doze u rasponu od tri sedmice ili čak i više jer djelotvornost samo jedne doze nije procijenjena kao valjana i dovoljna. PFIZER vakcine **ne treba** primiti u jednoj dozi ili kombinirati sa drugim vakcinama.



Šta je AstraZeneca vakcina?

Astra Zeneca vakcina nosi proteine šiljka Corona virusa i na taj način uzrokuje **stvaranje antitijela** koja onemogućavaju ulazak Corona virusa.



Je li se i AstraZeneca vakcina prima u dvije doze?

AstraZeneca vakcina se prima u dvije doze. Razmak između prve i druge doze trebao bi biti između četiri i dvanaest sedmica.

Je li Moderna, Pfizer i AstraZeneca vakcine sadrže svinjsku želatinu?

Ministarstvo civilnih poslova nema saznanja da vakcine sadrže svinjsku želatinu.

Može li se od navedenih vakcina dobiti bolest?

Od vakcina se **ne može** dobiti bolest COVID – 19.

Mogu li se vakcinisati osobe koje su prethodno bile zaražene virusom?

Sve osobe mogu biti vakcinisane osim ako je u toku akutno oboljenje. U tom slučaju treba sačekati da ta faza završi.

Smije li se piti alkohol neposredno prije vakcinisanja?

Trebalo bi izbjegavati alkohol jer u slučaju slabosti nakon vakcinacije teško je odrediti je li alkohol razlog slabosti ili vakcina.



Mogu li djeca biti vakcinisana protiv Covid –19?

Ne preporučuje se da se PFIZER vakcine daju mlađima od 16 godina, a ni AstraZeneca se trenutno ne preporučuje mlađima od 18 godina.



Mogu li se pojaviti neke neprijatne popratne pojave od vakcina?

Kao i poslije svakog vakcinisanja moguće su reakcije kao što su otok, crvenilo, svrbež, glavobolja ili umor. Moguća je i vrućica. Sve navedeno se ublažava na uobičajeni način: hladne obloge, mnogo tekućine.

Ako su se nakon vakcinisanja prvom dozom pojavile popratne pojave treba li odustati od druge doze?

Ne. Treba primiti i drugu dozu uz savjet ljekara.



Je li nakon vakcinacije nužno poštovati propisane mjere opreza?

Da, nakon vakcinisanja je nužno i dalje poštovati propisane mjere opreza: nošenje maski, dezinfekcija ruku i održavanje fizičke distance.